

求恕齋
叢書

唐賈耽記邊州入四夷道里考實

四

唐賈耽記邊州入四夷道里考實卷四

錢塘吳承志纂

吳興劉承幹校

諸葛亮城至摩揭陀國兩路地形里數考實

自羊苴咩城西至永昌故郡三百里又西渡怒江至諸葛亮城二百里又南至樂城二百里又入驃國境經萬公等八部落至悉利城七百里又經突旻城至驃國千里又自驃國西度黑山至東天竺迦摩波國千六百里又西北渡迦羅都河至奔那伐檀那國六百里又西南至中天竺國東境恒河南岸羯朱嵬羅國四百里又西

至摩羯陀國六百里一路自諸葛亮城西去騰充城二百里又西至彌城百里又西過山二百里至麗水城乃西渡麗水龍泉水二百里至安西城乃西渡彌諾江水千里至大秦婆羅門國又西渡大嶺三百里至東天竺北界箇沒盧國又西南千二百里至中天竺東北境之奔那伐檀那國與驃國往婆羅門路合 此兩路俱首起諸葛亮城分南與西二道至奔那伐檀那國合一諸葛亮城在永昌故郡西去怒江二百里爲今雲南騰越廳治怒江今廳東保山縣境之潞江西轄日記云永昌南行七八里轉西過斜坡宿蒲縹驛計程七十里西北

行十餘里遶過山背轉向東南復折而西至潞江計程六十里西向上陡坡三十里和木柱再西南三十五里至山巔踰嶺盤折而下十五里宿太平塘計程八十里下坡三十里過龍川江鐵索橋又五里宿橄欖寨西行上下斜坡六十里至騰越自府至廳凡五程程六十里或七十里長者至八十橄欖寨一程最短止三十五里與諸程不相均末尾記數亦闕乾隆統志云橄欖坡在騰越州東六十里龍川江在州東八十里龍江橋至橄欖寨實二十里又五里有脫文龍江橋去太平塘亦不止三十里滇行日錄云太平坡十五里至分水嶺是

爲騰越州界又三十里至龍江橋三十里爲分水嶺至龍江橋之數太平塘與分水嶺尙差十餘里此程大數蓋亦六十所記零落不備府至廳里數爲三百三十乾隆統志騰越州下作三百六十六字譌誤潞江以東百三十此文從略以西二百明確可按廳治卽諸葛亮故城明統志綴騰衝軍民指揮使司古蹟有鎮兵石云在司城中俗傳諸葛亮置於此以禳兵戈明騰衝司城爲元騰衝府城置在今廳治城中鎮石俗傳爲武侯所置此城本名諸葛亮明世亦尙有傳說城爲永昌外障蓋武侯平南中四郡時所建晉志永昌郡統縣八不韋比

蘇轡唐哀牢傳南五縣皆漢舊置永壽雍鄉南涪三縣
並不見續漢志爲蜀分不韋諸縣所置永壽在郡南南
中志云呂祥子元康末爲永昌太守值南夷作亂閩濮
反乃南移永壽去故郡千里其地去永昌甚遠當在今
思茅廳境南涪下云有翡翠孔雀與後漢書西南夷傳
所述哀牢夷土產相同是哀牢縣分地乾隆統志鎮沅
州景東廳土產並有孔雀明統志楚雄府產翡翠楚雄
與景東接界南涪治所當卽景東明統志所誤目爲古
楷南者雍鄉下無文以兩地推校必在郡西漢志犍唐
下云周水舊受徼外又有類水西南至不韋行五百六

十里屬唐在不韋西北爲騰越東北瓦甸之地宋齊後
沒於蠻至唐爲越睽南詔取以置輦化府元志所謂騰
衝府卽越睽地唐置羈縻郡蒙氏九世孫異牟尋取越
睽逐諸蠻爲輦化府者元初尙於其地置縣名越甸明
統志云越甸廢縣元至元中置尋省入府明改府爲守
禦千戶所始析出屬土官爲瓦甸長官司明統志山川
門敘龍川江云經越甸傍高黎共山北越甸尙仍舊名
周水卽龍川江類水爲潞江不韋西界踰潞不及龍川
唐西南因得踰高黎共山縣徑至南甸土司雍鄉由
唐分出治所必居咽喉要廳治內通高黎共山之險道

外扼海泊江津控制舊附諸蠻及邊外獯獍越等國
形勢無踰於此此城宜卽雍鄉蜀書呂凱傳云丞相亮
至南上表曰永昌郡吏呂凱府丞王伉等執忠絕域土
有餘年雍闓高定偏其東北而凱等守義不與交通臣
不意永昌風俗敦直乃爾永昌族本敦厚此鄉僻在夷
中亦聽呂凱徵調助郡城守故稱雍鄉城爲武侯還軍
後所築駐永昌時曾經略及之夷眾歸功主者因目爲
諸葛亮城宋世城已廢南齊復置縣後亦沒於夷南詔
開其地故名罕有知者遂從俗稱王氏征緬紀聞云蠻
人重公有故蹟必以公命名乾隆統志大理府古蹟下

有諸葛城二一在賓川州虎踞山下一卽彌渡市虎踞山城據方輿紀要所說止是駐兵之所彌渡市城爲誤說征緬紀聞所云馬膊子山一城在虎踞關外墨石河西其城僅有門闕之狀並無城迹說俱不根此城最古當表出之元志牽輶輓化由推衍滕越名義以越睽比合騰衝而誤越睽通鑑考異引寶滂雲南別錄作越濬與樣備並爲六詔之一樣備卽南蠻傳之施浪所部有石和城在今浪穹縣西北濬備江東是以又名樣備越睽與之聯接東北界當跨潞江迤亘至雲龍州地西南不得更廣南蠻傳云越睽之西多薦艸產善馬世稱越

駸駿日馳數百里越駸駿產處在龍川江石灰窑山下
明統志有龍馬槽在司北一百五十里江中有石如槽
南詔時嘗有龍馬食於此龍馬槽卽越駸駿游牧之所
其地在江洲中去廳百五十里東徑正直越甸越駸故
詔亦自居高黎共山北地輒化由彼改置不能移入此
城元志下敘騰衝云其後白蠻徙居之爲騰衝府元憲
宗三年府酋高救內附至元十一年改藤越州又立藤
越縣十四年改騰衝府白蠻徙居之騰衝城卽此記下
文所云西二百里之騰充城充與衝同音字得通作此
名南詔時已有亦非白蠻改異騰衝故城由府酋高救

納屬元據以改建爲滕越州新府別置在縣治興州各爲一城兩城旣殊別故騰衝與輦化復當分出界劃以越畎移入新府卽併故府爲一實屬疏舛此文所敘惟白蠻以下可憑餘與趙州蒙化州說同明統志止綴鎮兵石知岳璘等所撰元一統志已失此地乾隆統志補入記文次在潞江之下師氏範滇繫說此路云自騰越州而南由緬甸城轉西以至東天竺此城爲今廳治亦有前說又南至樂城二百里又入驃國境經萬公等八部落至悉利城七百里樂城與驃國接境是爲南詔界首之城舊傳云驃國北通南詔些樂城界些樂城卽樂

城驃國入南詔道取於此元志云金齒等宣撫司西土
蠻凡八種曰金齒曰白夷曰棘曰峨昌曰驃曰解曰渠
羅曰比蘇按唐史茫蠻本關南種在永昌之南樓居無
城郭或漆齒或金齒故俗呼金齒蠻自漢開西南夷未
嘗與中國通唐南詔蒙氏興異牟尋破羣蠻取其地南
至青石山緬界悉屬大理青石山當南詔入驃國之孔
道樂城宜置此明統志青石山與金沙大車二江並列
入芒市長官司青石山下云在司西南峭拔千仞奇怪
萬端金沙大車二江下一云源出青石山流入大盈江
一云源自騰衝流經青石山下流至江頭城名大盈江

上流之大車江今通名大溫江流徑自廳西南過南甸
北至千崖土司西入檳榔江合此江別名海珀江西南
過蓋達土司東至翁冷南腊撒土司西合臘撒河出鐵
壁關臘撒河卽源出青石之金沙江兩江俱在隴川土
司之西不經芒市界地芒市舊名茫施明初置府正統
九年始改長官司時麓川平緬宣慰司方以叛廢芒市
兼有其部後復析出置隴川明統志所據蓋芒市初置
司時所上部籍失未釐別其云山在司西南亦因麓川
故城在芒市西南而誤山實在北與南甸千崖接界並
不偏南臘撒河所源水道提綱作戶撒東北山不標青

石壹統圖戶撒長官東北止列沙木籠山爲隴川西之
南碗河源所出戶撒河源與之隔山所出之別麓卽沙
木籠支山海珀江所經之山在沙木籠西臘撒之北壹
統圖繪有兩山亦不標名皆沙木籠之支別青石爲沙
木籠迤西諸山之大名沙木籠是其正榦元志所云宜
指此山山本名青石以故樂城在此亦名些樂語轉爲
娑鹿因又衍別爲沙木籠方輿紀要云南詔地南至驃
國木落山木落卽木籠知沙字自由些字衍出些字可
省故沙字亦有從省者明統志失撫木落之名致與沙
木籠分裂爲二南甸宣撫司山川類有沙木籠云山在

司西南一百里上有關立木爲柵周圍一里方輿紀要
云正統時麓川思任發叛督臣王驥等自騰衝進討取
道南甸前軍哨至沙木籠山賊黨率眾二萬餘據高山
中立硬寨又於左右山巔連環爲七營官軍擊破之此
山爲南甸南第一要隘故南詔取茫蠻地與驃部落劃
以爲界山去南甸百里南甸去廳亦百里數適二百關
寨兩地皆樂城故址茫俗本無城城爲南詔創築度亦
不過紮土成堡至元已圯廢明所置關惟柵其南口麓
川硬寨始環包四面硬寨見明統志孟養軍民宣慰使
司鬼窟山下云山極爲險隘夷人據以爲硬寨硬寨爲

夷人所築堅固木寨其制裁木於地深入三肘以當礮堡此寨與營有別營壁仍築土爲之寨則依關柵增廣如鬼窟山之制城迹可推萬公等八部落爲隴川孟卯諸土司沙木籠山南出至隴川九十里隴川以下有二路滇繫云自隴川八十里至腊撒自腊撒至鐵壁關八十里由鐵壁而左二十里至蠻等七十里至虎踞關又五十里至南喜三十里至等拐又十里至天馬關此路凡三百四十里須先向西北後轉西南徑涉紆曲一路南由孟卯土司折西迤至西南較北路直捷滇繫止云隴川四十里邦中山又一百里猛卯以下無文辭氏滇

緬劃界圖孟卯與天馬關距徑爲半度合里數爲百六十兩數凡三百差近四十天馬關元史外國傳作天部馬爲白衣頭目所述入緬三道之一關外地今屬英吉利南出爲北撣人之孟密部續羸環志略撣人地志云北撣人地正當騰越之南孟密部第一亦名摩媒首城同名濱南美潔江滇繫敘天馬關至孟密程數云自關五十里而小濫又五十里而蔓布三十里而猛卡四十里而蠻空四十五里而猛老四十里而猛勒四十五里而蠻黑六十里而猛密計三百六十里滇緬劃界圖兩地徑距一度十分爲里三百六十三數亦相近滇略謂